



## Aningaasaqarnermut Naalakkersuisoq

Ulloq: 21. december 2020  
J.nr.: 01.31.06/20-00918

### Aningaasaqarnermut Akileraartarnermullu Ataatsimiititaliap pingasunngornermi ulloq 17. december 2020-mi aalajangiineranik Naalakkersuisunut ilisimatitsineq.

#### Mittarfeqarfiit Nunatta Karsianut akiitsuisa appartinneqarnissaannut, aningaasaleeqqinnissaannullu aningaasanik immikkoortitsinissamut missingersuutitigut sunniutitaqanngitsumik immikkut aningaasaliissuteqarnissaq - Suliaq nr. 01.31.06/20 – 00918

”Naalakkersuisut inassutigaa,

- konto pingaarnermi 72.26.02 Mittarfeqarfiit, aningaasaliissutit 90 mio. koruuninik qaffanneqassasut
- konto pingaarnermi 87.73.22 Mittarfeqarfiit, mittarfiit suliassami nr. 996.25.183 Siusinaartumik aningaasaliiffigineqartussanut aningaasaliissutit 10 mio. koruuninik qaffanneqassasut
- Konto pingaarnermi 80.00.10 Sanaartugassanut Iuarsagassanullu Aningaasaateqarfimmit utertitanut aningaasaliissutit 2020-mi 100,0 mio. koruuninik appartinneqassasut.”

#### Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Aningaasaqarnermut Akileraartarnermullu Ataatsimiititaliamit oqaatigineqassaaq aningaasaliissutit sanaartornermut iluarsartuussinermullu aningaasaateqarfimmit (konto pingaarneq 80.00.10-mit) tiguneqarnissaat pitsaasuunngimmat.

Ataatsimiititaliap isumaa malillugu kontumut pingaarnermut 72.26.01-mut nuussineq sanaartornermut aningaasaateqarfimmik siunertaasumut naapertuutinngilaq.

Taamatutaaq pingaartumik konto pingaarnermit 87.73.22-mi suliniut nr. 996.25.183-mit aningaasaliinissamik qinnuteqaammut tunngatillugu oqaatigineqassaaq, ataatsimiititaliap isumaqarmat siumut naatsorsuutigineqarsinnaanngitsuunissamik piumasaqaat (tak. Inatsisartut Naalakkersuisullu pillugit Inatsisartut inatsisaanni §16, imm. 2) qinnuteqaatikku matumuuna naammassineqarsimannngitsaq.

Taamaammat ataatsimiititaliamit Naalakkersuisunut kaammattuutigineqarpoq aningaasaliinissamut periarfissamik allamik, aamma Mittarfeqarfiit aningaasaqarniarnerat eqqarsaatigalugu siumut ungasissumut isigisumik pilersaarummik imaqartumik nassaarniaqqullugit.

**Aningaasaqarnermut Akileraartarnermullu Ataatsimiititaliap aalajangiinera**  
Aningaasaqarnermut Akileraartarnermullu Ataatsimiititaliap qulaani allassimanageratut  
oqaaseqaateqarluni Naalakkersuisunit inassuteqaatit itigartippai.

Inussiarnersumik



Hermann Berthelsen

Aningaasaqarnermut Akileraartarnermullu Ataatsimiititaliap Siulittaasua